



Members of the Board

Beth Albiani
Nancy Chaires Espinoza
Carmine S. Forcina
Gina Jamerson
Dr. Crystal Martinez-Alire
Anthony "Tony" Perez
Sean J. Yang

Christopher R. Hoffman
Superintendent

(916) 686-7700
FAX: (916) 686-7787
EMAIL: suptoffice@egusd.net

Robert L. Trigg Education Center
9510 Elk Grove-Florin Road, Elk Grove, CA 95624

Yim Hli Ntuj, tim 13, 2021

Nyob Zoo Txug Elk Grove Unified cov Tub Kawm Ntawv, cov Tsev Tuab Neeg hab cov Tub Ua Dlej Num,

Muaj kev zoo sab heev hab kev tseem yuav tau ceeb faaj, peb tau pib peb qhov kev kawm ntawv nyob rua huv qhov kev qha kawm traditional hab modified traditional ntawm cov tsev kawm ntawv taag lawm. Cov teg dlej num los yeej tau muab lug ua taag lug npaaj rua txuj kev rov qaab qheb peb cov tsev kawm ntawv rua txuj kev tuaj moog kawm ntawv nyob rua tom tsev kawm ntawv kag (in person). Tsi taag le ntawd xwb, peb tseem tau lug muab khu hloov pauv ntawm peb qhov kev qha kawm ywj pheej ([independent study program \(ISP\)](#)) lug muab cov kev paab cuam txhawb nqaa ntxiv ntawm cov quas laug lug rua cov tub ntxhais kawm ntawv kws xaav nrhav lwm yaam tswv yim kev qha kawm saab nraus ntawm lub hoob kawm ntawv. Qhov kev xaiv ua nuav yeej tseem muaj qheb rua txhua tug nam txiv kws tseem tsi tau txav txim tas yuav tso puab cov mivnyuas moog kawm ntawv nyob rua huv tug qauv twg ntawm qhov kev qha kawm (instructional model) kws yuav zoo rua puab tsev tuab neeg. Kuv ua tsaug ntau rua cov sij hawm peb cov tub ua dlej num tau nqeg teg lug ua nyob rua huv txuj kev npaaj kom tav rua lub xyoo kawm ntawv tshab hab tau lug npaaj muaj ntau yaam kev paab cuam muaj taam sim nuav rua koj nyob rua ntawm cov tsev kawm ntawv txug ntawm cov kev qha kawm (academic), kev coj sib raug zoo (social), kev xaav (emotional) hab/los yog kev noj zaub mov zoo lug txhawb nqaa koj txuj kev xaav tau rua koj tug mivnyuas txuj kev xaav tau.

Tsi zoo le txhua lub koog tsev kawm ntawv, Elk Grove Unified tau muaj ntau lub tsev kawm ntawv kws tub tau pib lub xyoo kawm ntawv lawm hab peb kaum yim lub tsev kawm ntawv kws yuav tau kawm ntawv taag xyoo tub qheb nyob rua thaum ib nraab hli ntawm lub Xyaa Hli Ntuj lawm. Cov tsev kawm ntawv nuav tau qheb qha kawm ntawv tub yuav muaj le ib hli nuav hab tau pum tas peb qhov kev tswj saib txuj kev nyaab xeeb kaaj huv los yeej ua tau zoo kawg le lawm. Thaum peb tau paub tas muaj tug muaj cov kaab mob nuav lawm, los peb tseem muaj tsawg heev kws qha tau tas yog sib kis lug ntawm cov tsev kawm ntawv lug. Feem ntau ntawm cov kev kis tug kaab mob nuav nyob rua ntawm peb cov tsev kawm ntawv taag xyoo yog sib kis saab nraus ntawm cov tsev kawm ntawv lug lawm xwb. Kwv yees nyob le thaaj tsaam le 15,000 tug tub ntxhais kawm ntawv tuaj kawm ntawv nyob rua huv peb cov tsev kawm ntawv taag xyoo hab rua muaj le 77 tug kws tau paub tas muaj tug kaab mob (tested positive). Ntawm 77 tug tub ntxhais kawm ntawv kws tau muaj tug kaab mob (tested positive), 69 tug yog kis tug kaab mob nuav saab nraus ntawm peb cov tsev kawm ntawv. Ntawm 21 tug tub ua dlej num kws tau muaj tug kaab mob nuav, 20 tug yog tau kis saab nraus ntawm cov tsev kawm ntawv lug. Peb yeej muaj cov tub ua dlej num saib txuj kev noj qaab nyob zoo ntau ntxiv

(health care staff) nyob rua txhua lub tsev kawm ntawv hab muaj cov tub ua dlej num mob sab yuav lug caum qaab saib seb kis qhov twg lug hab yuav muaj kev tshawb nrhav kuaj xws le tsim nyog. Has dlua, qhov nuav yeej yog ib qhov tseeb kws tau lug has qha tas peb cov kev npaaj (protocols) yeej ua tau hauj lwm zoo lawm tag. Peb yuav lug ua teg dlej num kom ze le ze tau nrug peb cov koom hum paab pawg saib pej xeem txuj kev noj qaab nyob zoo (public health agency) lug muab hloov pauv kom tsim nyog lug ntawm peb cov kev npaaj ua (protocols).

Peb yeej mob sab txug ntawm txuj kev noj qaab nyob zoo hab kev nyaab xeeb kaaj huv ntawm peb cov tub ntxhais kawm ntawv hab cov tub ua dlej num rua thaum nyuam qhuav pib muaj tug kaab mob (pandemic) nuav, peb yeej tseem mob sab le qub hab txuj kev noj qaab nyob zoo hab kev nyaab xeeb kaaj huv ntawm taag nrho lub zej zog ntawm EGUSD los tseem yog peb qhov kev tseem ceeb tshaaj plawg. Zoo ib yaam le mej ntau² tug twg kws muaj kev txhawj xeeb txug txuj kev noj qaab nyob zoo ntawm peb cov tub ntxhais kawm ntawv, kuv los yeej tau pw tsi tsaug zug ntau² mo lug ntawm txuj kev xaav muaj taag nrho kws muaj feem txug txuj kev yuav rov qaab qheb peb cov tsev kawm ntawv rua tug qauv qha kawm tuaj kawm ntawv kag tom tsev kawm ntawv. Nub nuav, tom qaab tau moog saib cov tsev kawm ntawv kws tau qheb naag mo hab tau pum peb cov tuab neeg, kuv xaav tas muaj txuj kev sib raug zoo ua nrug peb cov tub ntxhais kawm ntawv, cov tsev tuab neeg hab cov tub ua dlej num peb cov kev nyaab xeeb kaaj huv yuav lug paab tau peb rua txuj kev nyaab xeeb.


Muaj ntau yaam tseem yuav ua ua ntej peb, qhov ceeb tag² taam sim nuav kws taag nrho cov TK-12 cov tub ua dlej num yuav tsum tau nkaus tshuaj kom taag los yog yuav tsum tau tshawb kuaj txhua lub asthiv, yeej txug caij nyoog rua peb lug txhaav moog tom ntej ua ke hab siv txhua yaam khoom nyob rua huv peb cov khoom siv (toolkits) lug ua kom muaj kev qha kawm tuaj kawm ntawv tom tsev kawm ntawv, ntawm lub tsev kawm ntawv yog ib qhov tseem ceeb tshaaj plawg. Peb maam le sib khu saib seb qhov twg ua tau xws le kev ua si sau ua paab pawg (cohorting) los yog kev moog ua si thaum lub caij ua si hab thaum noj su nyob ua paab pawg saab nraus los yog muab sib cais kom dleb le dleb tau ntawm peb cov tsev kawm ntawv theem ib. Cov nuav yog cov kev xyum ua kws cov tuab neeg txawj ntse ntawm txuj kev noj qaab nyob zoo rua cov pej xeem tau has kom ua ua ntej taag lug hab tau pum qhov kev xaav tau taam sim nuav, peb yuav tau ua le cov tub txawj ntse has. Txuj kev ua kws yuav tau lug ua kom tsi txhob kis tau tug kaab mob ntxiv moog, tej yaam kev ua yuav tau muab hloov pauv hab peb yuav tau lug txhawb nqaa has rua peb cov nam txiv hab cov tub ntxhais kawm ntawv muaj cai txais tau moog nkaus koob tshuaj yaam le sai le sai tau.

Peb muaj muab ntau yaam kev lom zem hab kev lug ua nrug cov kev ua muaj ntawm peb cov tsev kawm ntawv tabsis peb yuav tsum tau ua zoo xaav hab muaj kev khu kom tsim nyog es txhaj le yuav lug tiv thaiv tau peb txuj kev ntshaw yuav lug ua nyob rua huv tug qauv tuaj kawm ntawv kag tom tsev kawm ntawv. Peb yuav lug saib kom zoo txug qhov kev qha ua muab lug ntawm peb cov paab pawg saib txuj kev noj qaab nyob zoo, yuav lug muab kev paab cuam txhawb nqaa rua cov tub ua dlej num ntawm lub tsev kawm ntawv hab cov tub ua dlej num ntawm lub tsev kawm ntawv yuav lug saib kom zoo kom cov koom ua nkaag sab txug qhov tseeb

ntawm cov protocols rua cov kev muaj ua. Kuv muaj kev ntseeg nyob rua huv peb lub zej zog hab ntseeg tau tas peb yuav ua tau qhov nuav uake.

Peb taag nrho yeej xaav kom rua muaj kev zoo ntxiv xwb hab peb yeej pum ib lub teeb ci2 tuaj tom ntej. Lub asthiv nuav, txug lub xyoo cov nub qub (annual meteor showers) yaa kws yeej ib txhis paub hu tas the Perseids yuav luj hlub txug ntawm puab qhov kawg ([reach their peak](#)) nyob rua lub Yim Hli Ntuj, tim 11 moog txug rua 13. Thaum lub sij hawm muaj cov nub qub yaa nuav (meteor showers), yeej yog ib yaam ib txhis ua kws yuav tau lug ua ib qhov kev has txug txuj kev xaav tau thaum koj pum ib lub nub qub yaa. Nyob ntawm ib qhov kev kws xaav kom tsi txhob muaj tug kaab mob nuav lawm, kuv yuav xaav txug txhua tug ntawm mej suav dlawg hab xaav kom txhua tug mivnyuas ua tau zoo. Tog txais suav dlawg taag nrho ntawm EGUSD lub zej zog! Peb yuav lug siv zug ua teg dlej num lug muab ib txuj kev zoo hab kev kaaj huv nyaab xeeb kom muaj puv npo ntawm txuj kev luj hlub hab kev lom zem rua peb cov mivnyuas.

Sincerely,

A handwritten signature in black ink, appearing to read 'CHRISTOPHER R. HOFFMAN', with a horizontal line extending to the right.

Christopher R. Hoffman
Superintendent